

253

26 փետրվարի 2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 07749/16

ՎԱՐՉԱԿԱՆ ԻՐԱՎԱԽԱՍՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 26.02.2021 թվականի թիվ _____ վարչական իրավախախտման վերաբերյալ արձանագրությունը, քննելով թիվ 7749 վարույթը և կից նյութերը,

ՊԱՐԶԵՑԻ

«Մեծ Պարնի համայնք» կլիմայական քաղաքացիական շրջանառու ներդրումային հիմնադրամի /ՀՀ 06954541/ նախագահ Գագիկ Պալյանի (հասցե՝ Լոռու մարզ, Մեծ Պարնի, ՀԾՀ՝ 2905760060/ «Հիմնադրամների մասին» ՀՀ օրենքի 39-րդ հոդվածով սահմանված ժամկետում, ՀՀ պետական եկամուտների կոմիտեի կողմից սահմանված ձևով, ներկայացման և հրապարակման սահմանված կարգով՝ թերի է հրապարակել 2019թ-ի գործունեության մասին հաշվետվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.18 հոդվածի 1-ին մասով: Նշված իրավախախտման վերաբերյալ ՀՀ ՊԵԿ իրավաբանական վարչության պետի կողմից 10.08.2020 թվականին կայացվել է թիվ 417631/16 որոշումը՝ Գագիկ Պալյանի նկատմամբ նախազգուշացում կիրառելու մասին: «Մեծ Պարնի համայնք» կլիմայական քաղաքացիական շրջանառու ներդրումային հիմնադրամի նախագահ Գագիկ Պալյանի կողմից օրենքով սահմանված կարգով նախազգուշացվելուց հետո 30 օրվա ընթացքում չի ներկայացվել հիմնադրամի 2019 թվականի գործունեության ճշգրտված տարեկան հաշվետվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.18 հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առարկություն կամ բացատրություն առկա չէ:

Գործի քննության ընթացքում պարզվել է, որ Գագիկ Պալյանի կողմից 2019 թվականի գործունեության ճշգրտված հաշվետվությունը 26.02.2021թ-ի դրությամբ դեռևս ներկայացված չէ, այսինքն դրսևորված հակաիրավական վարքագիծը շարունակելի է:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169.18 հոդվածի 2-ին մասի՝ Գագիկ Պալյանի նկատմամբ կիրառել վարչական տույժ՝ նշանակել տուգանք 50.000 (հիսուս հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի 169.18 հոդվածի 3-րդ մասի համաձայն՝ Սույն հոդվածի 2-րդ մասով նախատեսված տուգանքի նշանակման մասին որոշմանը իրազեկվելու օրվանից հետո՝ երեսուն օրվա ընթացքում, հիմնադրամի կողմից սույն հոդվածով նախատեսված խախտումը (խախտումները)՝ վերացնելու՝ առաջացնում է տուգանքի նշանակում հիմնադրամների պաշտոնատար անձանց նկատմամբ՝ սահմանված նվազագույն աշխատավարձի երկուհարյուրապատիկի չափով:

Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին՝ 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը: Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը վճարելու դեպքում այն ենթակա է բռնագանձման օրենսդրությամբ սահմանված կարգով: